



ARUBA HARDWARE C. V.
— UN ORGULLO LOCAL —
TA NABEGANDO 30 AÑA DEN
NOS BIDA COMERCIAL

Trinta aña pasa Sr. Bruno Arends, mihor conoci como Brenchi, no a comete un kibocacion ora cu el a dicidi na laga su negoshi di comestibles un banda y a cuminsa cu bendemento di herment, verf y tur otro cos cu tin di haci cu ferreteria.

Dialuna awor, 13 di Juli, Brenchi y tur e empleadonan di ARUBA HARDWARE C. V. situa na Wilhelminastraat 59, lo festha e trigesimo aniversario di e negoshi, cu durante e ultimo treinta añanan tabata un cas comercial indispensable den nos comunidad. Pa e hecho cu Aruba Hardware tabata e promer ferreteria di nos isla y ademas a logra tene cabez riba awa durante e periodo largo aki, e ta merece pa worde yama "un orgullo local".

Comestibles promer

E fundador di Aruba Hardware C.V. sinembargo a drenta negoshi mucho mas promer cu 30 aña pasá.

Cuarent'i tres aña pasa na 1921 el a cuminsa c'un tienda di comestibles "San Nicolas Store", pero den cual por a hanja cumpra tambe prenda, panja di seda y diferente otro articulo mas.

"San Nicolas Store" tabata situa den e edificio cu ta keda pabao di Aruba Hardwawre C.V. y cu actualmente ta worde usa como deposito.

E tempo ey e edificio di Aruba Hardware C.V. tabata haci uso como oficina di Gezaghhebbber I Wagemaker y tambe e oficina di Bevolking tabata hospeda aki den.

Ferreteria

Na 1934 e Gezaghhebbber a busca otro oficina y mesora Brechi Arends a comberti e edificio aki den un ferreteria y a bautizé

Aruba Hardware Store. Mas despues e nomber aki a cambia pa Aruba Hardware C.V., ora cu e yiunan di e fundador tambe a asocia aden.

Hermentnan marca "Stanley" y verf (Sapolin y Woolsey) semper tabata e dos productonan mas bendi di e ferreteria.

Apesar cu Aruba Hardware a nace den e mesun añanan cu Lago y Eagle, toch e ferreteria Arubana no tabata negosha cu e dos companianan aki.

"Semper nos a trata cu e pueblo so", ta e palabranan di Brenchi Arends, kende ta contento di por a hanja un cooperacion asina bon di e pueblo.

Na 1946, Aruba Hardware C.V. a gana a premio di mehor ferreteria den e "Gran Concurso Comercial e Industrial" organiza pa Publicidad Record di Venezuela.

Desde e tempo aki Aruba Hardware a cuminsa destaca como e ferreteria mihor surti riba e isla.

(Cont di pag. 5)

Empleado fiel

Na 1934 sr. Arends a cuminsa e negoshi c'un bon man drechi den persona di Damian Wever, kende te ainda ta ocupa e puesto di magazijnmeester y e persona responsable pa mira cu na tur momento e negoshi ta bon surti.

Rosa Romano, tabata otro di e empleadonan bieu y un di e "mihor bendedornan" cu Brenchi a jega di conoce. Despues ta sigi Jacobo Wever cu 15 anja di servicio y tambe Josy Franken, kende a cuminsa traha na edad di 14 anja.

Bista den futuro

Na Aruba Hardware C.V. tambe nan ta confia den e futuro di Aruba. E expansion necesario ya a cuminsa cu construccion di un

pida nobo na parti patras di e edificio. Pronto lo bini diferente seccion den e ferreteria di manera cu e cantidad grandi di articulonan lo worde poni apart.

E complex di Aruba Hardware ta midi 1200 meter cuadrá y e direccion diario ta den man di sr. Brenchi Arends y su yunan Donny y Egbert.

Desde hopi anja caba e ferreteria mas bieu di nos isla ta durando trabau na 18 persona y den futuro e cifra aki lo worde aumenta mas ainda.

1934

30 ANIVERSARIO

1964

ARUBA HARDWARE C.V.

DESCUENTO ESPECIAL 10% RIBA TUR COMPRA

DURANTE SIMAN DI ANIVERSARIO

DIALUNA 13 JULI

—

DIASABRA 18 JULI

PROVECHA AWOR!

